

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა
კომისიის სხდომის

N 11 ოქმი

30.08.2022

სხდომის ჩატარების ადგილი:

ქალაქ ქუთაისის ადგილობრივი

თვითმმართველობის შენობა

რუსთაველის გამზირი N3

სხდომა უძღვებოდა საკრებულოს ჯანდაცვისა და სოციალურ საკითხთა კომისიის
თავმჯდომარე ბატონი მამუკა რიჟამაძე.

ესწრებოდნენ კომისიის წევრები: ირაკლი შენგელია, მაგდა კოსტავა, დიმიტრი მხეიძე,
თეიმურაზ ნადირაძე, მერაბ ჭოხონელიძე, ელენორა არჩაია, მათა სიმონიძე, ნინო
ბიბილეიშვილი, გაგა მანაგაძე, დარეჯან ფხაკაძე.

ქალაქ ქუთაისის მუნიციპალიტეტის მერიის სოციალურ საკითხთა სამსახურის უფროსის
მოადგილე ქალბატონი ფიქრია ხაჭაპურიძე.

მამუკა რიჟამაძე: მინდა წარმოგიდგინოთ დღის წესრიგით გათვალისწინებული
საკითხი.

1. ქალაქ ქუთაისის მუნიციპალიტეტის მერიის პირველადი სტრუქტურული
ერთეულის - სოციალურ საკითხთა სამსახურის ანგარიში 2022 წლის შვიდ
თვეში გაწეული მუშაობის შესახებ.

დღის წესრიგთან დაკავშირებით თუ არ გაქვთ შენიშვნები, გთხოვთ, ვუყაროთ კენჭი დღის წესრიგს წარმოდგენილი რედაქციით.

დღის წესრიგით გათვალისწინებულ საკითხს, დეპუტატებმა ერთხმად დაუჭირეს მხარი.

დღის წესრიგით გათვალისწინებულ საკითხს წარმოგვიდგენს, ქალაქ ქუთაისის მუნიციპალიტეტის მერიის სოციალურ საკითხთა სამსახურის უფროსის მოადგილე ქალბატონი ფიქრია ხაჭაპურიძე.

ფიქრია ხაჭაპურიძე: მოგესალმებით, ქალაქ ქუთაისის მუნიციპალიტეტის მერიის სოციალურ საკითხთა სამსახური 2022 წელს, მოსახლეობის დაავადებათა პრევენციის, შემდგომი მკურნალობის ხელშეწყობის, ასევე სოციალური პირობების გაუმჯობესების მიზნით, ჯანდაცვისა და სოციალური პროგრამების ფარგლებში, ქალაქ ქუთაისის საკრებულოს 2021 წლის 29 დეკემბრის N5 დადგენილების საფუძველზე ახორციელებს 33 ქვეპროგრამას. აღნიშნული დადგენილებით ბიუჯეტი განისაზღვრა 5430000 ლარით. სოციალური დახმარებებით სარგებლობენ სხვადასხვა კატეგორიის ბენეფიციარები, ესენია: შეზღუდული შესაძლებლობების მქონე პირები, ომისა და სამხედრო ძალების ვეტერანები, იძულებით გადაადგილებული პირები, სოციალურად დაუცველი ოჯახები, მრავალშვილიანი და მარტოხელა სტატუსის მქონე მშობლები, დღის ცენტრებით მოსარგებლე ბენეფიციარები, მოწყვლად მდგომარეობაში მყოფი ბავშვიანი ოჯახები და სხვა.

ანგარიში შეეხება 2022 წლის იანვრიდან 1 აგვისტომდე პერიოდს.

აღსანიშნავია, რომ მიმდინარე წელს სოციალურ საკითხთა სამსახურის მიერ შემუშავდა და დაინერგა 4 ახალი ქვეპროგრამა - „ახალი კორონავირუსით /Covid-19/ ინფიცირებულ პირთა დახმარება“, „შეზღუდული შესაძლებლობების მქონე პირთა საერთაშორისო დღე“, „ბავშვიანი ოჯახების ეკონომიკური გაძლიერება“ და „ბავშვის განვითარების ხელშეწყობა“.

ამავდროულად, მოქმედ ქვეპროგრამებში განხორციელდა, როგორც შინაარსობრივი, ასევე ფინანსური ცვლილებები მოქალაქეთა სასარგებლოდ, კერძოდ: „სამედიცინო დახმარების“, „მედიკამენტებით უზრუნველყოფის“, „ეპილექსიით დაავადებულ პირთა ანტიკონვულსანტებით უზრუნველყოფის“, „ფენილკეტონურიითა და ცელიაკით დაავადებულ პირთა დახმარების“, „სარიტუალო დახმარების“, „შინმოვლის“, „ოჯახში ძალადობის მსხვერპლთა დახმარების“, „სოციალურად დაუცველი ბავშვებისათვის განათლების ხარისხის ამაღლების“, „სოციალურად დაუცველი ოჯახების მხარდაჭერის“, „ახალი კორონავირუსით /Covid-19/ ინფიცირებულ პირთა დახმარების“ ქვეპროგრამებში.

შედევად ბიუჯეტმა განიცადა ცვლილება, რის შემდეგაც შეადგინა 5266000 ლარი.

საანგარიშო პერიოდში მიღებულ იქნა 8920 წერილობითი კორესპონდენცია (მოქალაქეთა განცხადებები, მომართვები უწყებებიდან).

მიმდინარე წლის პირველი 7 თვის განმავლობაში დაიხარჯა 2997363,79 ლარი. კერძოდ:

1. „სამედიცინო დახმარება“

ქვეპროგრამის ბიუჯეტი 980,0 ათასი ლარი.

ქვეპროგრამა ითვალისწინებს მძიმე, სიცოცხლისათვის საშიში დაავადების მქონე და განსაკუთრებული შემთხვევის შედეგად დაავადებული გადახდისუნარო პირების სამედიცინო მომსახურებას, დიაგნოსტიკის და შემდგომი მკურნალობის ხარჯის (თანადაფინანსების პრინციპით) ანაზღაურებას.

ლაბორატორიული დიაგნოსტიკის შემთხვევაში დახმარება გაიცემა სოციალურად დაუცველი ოჯახების მონაცემთა ერთიან ბაზაში რეგისტრირებული 100001-მდე სარეიტინგო ქულის მქონე ბენეფიციარებზე, შეზღუდული შესაძლებლობის სატატუსის მქონე პირებზე, ავთვისებიანი სიმსივნით დაავადებულ მოქალაქეებზე და კარდიოლოგიურ პაციენტებზე. პროგრამით დაფინანსდება აგრეთვე 0-18 წლამდე ასაკის პაციენტების ქირურგიული ოფთალმოლოგია, რომელიც არ ანაზღაურდება საყოველთაო ჯანდაცვის პროგრამის ფარგლებში, არაუმეტეს 1000 ლარისა.

დახმარებით ისარგებლა 2277 ბენეფიციარმა.

სულ: დახარჯულმა თანხამ შეადგინა 809 576,80 ლარი.

2. „მედიკამენტებით უზრუნველყოფა“

ქვეპროგრამის ბიუჯეტი 310,0 ათასი ლარი.

ქვეპროგრამით მოსარგებლე ბენეფიციარებს მიეკუთვნებიან: ქალაქ ქუთაისში რეგისტრირებული და სოციალურად დაუცველი ოჯახების მონაცემთა ერთიან ბაზაში დაფიქსირებული 700001-მდე სარეიტინგო ქულის მქონე პირები; ნათესა-ურ და არანათესაურ მინდობაში მყოფი შშმ ბავშვები; ომისა და სამხედრო ძალების შშმ ვეტერანები, რომლებსაც ჰყავთ 3 და მეტი შვილი, ან მიეკუთვნებიან 65 წელს ზემოთ ასაკის პირებს, ჰემოდიალიზზე მყოფი პაციენტები და მხედველობით მკვეთრად შეზღუდული შესაძლებლობის მქონე პირები. ოჯახში ძალადობის მსხვერპლი სტატუსის მქონე პირები.

დახმარებით ისარგებლა 1053 ბენეფიციარმა.

სულ: დახარჯულმა თანხამ შეადგინა 156 898,90 ლარი.

3. „ეპილექსიით დაავადებულ პირთა ანტიკონვულსანტებით უზრუნველყოფა“

ქვეპროგრამის ბიუჯეტი 50,0 ათასი ლარი.

ქვეპროგრამით მოსარგებლე პირები არიან ქალაქ ქუთაისში რეგისტრირებული ეპილექსიით დაავადებული პირები.

დახმარებით ისარგებლა 93 ბენეფიციარმა.

სულ: დახარჯულმა თანხამ შეადგინა 25 250,17 ლარი.

4 „ლეიკოზით და სოლიდური სიმსივნის ფორმით დაავადებულ პირთა თანადგომა“

ქვეპროგრამის ბიუჯეტი 55,0 ათასი ლარი.

ქვეპროგრამის ფარგლებში 0-18 წლამდე ასაკის ლეიკოზით დაავადებულ პირებს, გაეწიათ მატერიალური დახმარება, თითოეულს თვეში 200 ლარის ოდენობით.

დახმარებით ისარგებლა 21 ბენეფიციარმა.

სულ: დახარჯულმა თანხამ შეადგინა 25 200,0 ლარი.

5 „ფენილკეტონურიითა და ცელიაკით დაავადებულ პირთა დახმარება“

ქვეპროგრამის ბიუჯეტი 48,0 ათასი ლარი.

ქვეპროგრამით მოსარგებლე, ფენილკეტონურიითა და ცელიაკით დაავადებულ არასრულწლოვან პირებს, მატერიალური დახმარება გაეწიათ მათი უფლებამოსილი წარმომადგენლის, ხოლო სრულწლოვან პირებს პირადი განცხადების მომართვის საფუძველზე, საბიუჯეტო წლის ბოლომდე. დახმარების ოდენობა განისაზღვრება თვეში 200 ლარის ოდენობით.

დახმარებით ისარგებლა 19 ბენეფიციარმა.

სულ: დახარჯულმა თანხამ შეადგინა 21 800,0 ლარი.

6. „სარიტუალო დახმარება“

ქვეპროგრამის ბიუჯეტი 14,0 ათასი ლარი.

ქვეპროგრამის ფარგლებში ხორციელდება ქალაქ ქუთაისში რეგისტრირებული გარდაცვლილი ვეტერანის დასაფლავების ხარჯის ანაზღაურება, ერთჯერადად 300 (სამასი) ლარის ოდენობით.

ქვეპროგრამა ასევე გულისხმობს ქ. ქუთაისში რეგისტრირებული პირების სარიტუალო მომსახურებას, რომლებიც გარდაიცვალნენ „კოვიდ-19“ დიაგნოზით სამედიცინო დაწესებულებაში, ერთჯერადად 300 (სამასი) ლარის ოდენობით.

დახმარებით ისარგებლა 17 ბენეფიციარმა.
სულ: დახარჯულმა თანხამ შეადგინა 5100 ლარი.

7. „მრავალშვილიანი ოჯახების დახმარება“

ქვეპროგრამის ბიუჯეტი 990,0 ათასი ლარი.

ქვეპროგრამის ფარგლებში, მიმდინარე პერიოდში ყოველთვიური მატერიალური დახმარებით ისარგებლა 641 მრავალშვილიანმა ოჯახმა. მათ შორის:

მეოთხე და მომდევნო ბავშვის შეძენაზე დახმარებით ისარგებლა 27 ოჯახმა.

ერთჯერადი მატერიალური დახმარებით ისარგებლა 192 მრავალშვილიანმა ოჯახმა.

„მრავალშვილიანი ოჯახების დახმარების“ პროგრამის ფარგლებში მრავალშვილიანი ოჯახებისათვის მოხმარებული ელ/ენერჯის თანადაფინანსებით მიმდინარე პერიოდში ისარგებლა 120 ოჯახმა.

სულ: დახარჯულმა თანხამ შეადგინა 568 500,0 ლარი.

8. „შინმოვლა“

ქვეპროგრამის ბიუჯეტი 70,0 ათასი ლარი.

ქვეპროგრამით მოსარგებლე პირები არიან „სოციალურად დაუცველი ოჯახების მონაცემთა ერთიან ბაზაში“ ქ. ქუთაისში რეგისტრირებული 100 001-მდე სარეიტინგო ქულის მქონე ოჯახის წევრები, რომელთათვისაც „უძღურების შეფასების ბართელის კითხვარის“ მიხედვით მინიჭებული ქულა /შემდგომში – ბართელის ინდექსი/ არ აღემატება 95 ერთეულს, არიან მწოლიარენი ან/ და საჭიროებენ სამედიცინო მანიპულაციებს საცხოვრებელ ადგილზე.

დახმარებით ისარგებლა 120 ბენეფიციარმა.

სულ: დახარჯულმა თანხამ შეადგინა 36 409,38 ლარი.

9 „სოციალური საცხოვრისის კომუნალური ხარჯების უზრუნველყოფა“

ქვეპროგრამის ბიუჯეტი 40,0 ათასი ლარი.

ქვეპროგრამის ფარგლებში ანაზღაურდა სოციალური საცხოვრისის მოზინადრეთა მიერ მოხმარებული ელექტროენერჯის და ბუნებრივი აირის ხარჯი.

დახმარებით ისარგებლა 89 ოჯახმა.

სულ: დახარჯულმა თანხამ შეადგინა 25 328, 33 ლარი.

10 „სოციალურად დაუცველი ოჯახების ყოფითი პირობების გაუმჯობესების ხელშეწყობა“

ქვეპროგრამის ბიუჯეტი 160,0 ათასი ლარი.

აღნიშნული ქვეპროგრამა ითვალისწინებს სოციალურად დაუცველი, 70 000-მდე სარეიტინგო ქულის მქონე, ოჯახების მიერ მოხმარებული ელექტროენერჯის ღირებულების თანადაფინანსებას, სულადობის მიხედვით და საყოფაცხოვრებო ნარჩენების გატანისათვის საჭირო თანხების დაფინანსებას.

ბენეფიციართა იდენტიფიცირება ხორციელდება სოციალური მომსახურების სააგენტოს მიერ ყოველთვიურად წარმოდგენილი მონაცემთა ბაზის საფუძველზე.

დახმარებით ისარგებლა 2634 ოჯახმა.

სულ: დახარჯულმა თანხამ შეადგინა 80 182,0 ლარი.

11 „განსაკუთრებული საჭიროების მქონე პირთა თანადგომა“

ქვეპროგრამის ბიუჯეტი 170,0 ათასი ლარი.

ქვეპროგრამა ითვალისწინებს ქალაქ ქუთაისში რეგისტრირებულ/მცხოვრებ/ 18 წლის ბენეფიციარს, რომელიც იმყოფებოდა სახელმწიფო მზრუნველობაში და სრულწლოვანების გამო შეუწყდა სახელმწიფოს მხრიდან მომსახურება. დახმარება ბენეფიციარზე შეადგენს, თვეში 200 ლარს.

ბიოლოგიურ ოჯახში, თითოეულ რეინტეგრირებულ ბავშვს, თვეში 200 ლარის ოდენობით.

დახმარებით ისარგებლა 18 ოჯახმა (20 ბავშვი).

ჰემოდიალიზზე მყოფ პირს, მუდმივად სამკურნალო დაწესებულებაში ტრანსპორტირებისა და სხვა სასიცოცხლოდ აუცილებელი საჭიროებების დაკმაყოფილების მიზნით დახმარება შეადგენს თვეში 100 ლარს.

დახმარებით ისარგებლა 115 ბენეფიციარმა.

აღნიშნული ქვეპროგრამით საერთო ჯამში ისარგებლა 135 ბენეფიციარმა.

სულ: დახარჯულმა თანხამ შეადგინა 80 300, 0 ლარი.

12. „შეზღუდული შესაძლებლობის მქონე პირების დახმარება“

ქვეპროგრამის ბიუჯეტი 83,0 ათასი ლარი.

დახმარებით სარგებლობენ სახელმწიფო პროგრამებით - „ბავშვთა ადრეული განვითარების“ და „დღის ცენტრის“ მომსახურებით მოსარგებლე შეზღუდული შესაძლებლობის სტატუსის მქონე ბავშვები. პროგრამის ფარგლებში, ხორციელდება თვეში 60 ლარის ღირებულების, ჰიგიენური საფენების („პამპერსი“) და სველი ხელსახოცების შეძენა.

დახმარებით ისარგებლა 174 ბენეფიციარმა.

სულ: დახარჯულმა თანხამ შეადგინა 52 937,41 ლარი

13. „სოციალური ღონისძიებები“

ქვეპროგრამის ბიუჯეტი 565,0 ათასი ლარი.

ქვეპროგრამა ითვალისწინებს გარკვეული კატეგორიის ღვაწლმოსილი, დამსახურებული და სოციალურად დაუცველი პირებისათვის, ტრადიციულ დღესასწაულებთან და ღირშესანიშნავ თარიღებთან დაკავშირებით, სხვადასხვა შინაარსის ღონისძიებების მოწყობას.

დახმარებით ისარგებლა 4223 ბენეფიციარმა.

სულ: დახარჯულმა თანხამ შეადგინა 301 399, 43 ლარი.

14. „კოხლეარული იმპლანტით მოსარგებლე ბენეფიციართა დახმარება“

ქვეპროგრამის ბიუჯეტი 15,0 ათასი ლარი.

ქვეპროგრამის მიზანია ქალაქ ქუთაისში რეგისტრირებული და მცხოვრები კოხლეარული იმპლანტით მოსარგებლე, 0-18 წლამდე არასრულწლოვანი პირების ფუნქციური დამოუკიდებლობის ხარისხის გაუმჯობესება და მათი საზოგადოებაში ინტეგრაციის ხელშეწყობა. დახმარება გაეწევათ კოხლეარული იმპლანტის აპარატის შეუფერხებელი ფუნქციონირებისათვის საჭირო ნაწილების შეძენის თვალსაზრისით.

ქვეპროგრამის ფარგლებში კოხლეარული იმპლანტის აპარატის შეუფერხებელი ფუნქციონირებისათვის საჭირო ნაწილების შეძენის თვალსაზრისით, ბენეფიციარს გაეწია დახმარება. ანაზღაურდა კვების წყაროსათვის საჭირო ელემენტის ღირებულება – თვეში 95 ლარის ოდენობით და პროცესორისა და მიკროფონის შემაერთებელი სადენის ღირებულება – ექვს თვეში ერთხელ, 150 ლარის ოდენობით.

დახმარებით ისარგებლა 12 ბენეფიციარმა.

სულ: დახარჯულმა თანხამ შეადგინა 8 450,0 ლარი.

15. „აუტიზმის სპექტრის დარღვევის მქონე ბავშვთა რეაბილიტაცია“

ქვეპროგრამის ბიუჯეტი 1 130,0 ათასი ლარი.

ქვეპროგრამის ფარგლებში მომსახურება გაეწიათ ქალაქ ქუთაისში რეგისტრირებულ/ მცხოვრებ 2-15 წლამდე ასაკის ბავშვებს, რომელთა ძირითადი დიაგნოზია (ICD-10) კლასიფიკაციის მიხედვით განსაზღვრული განვითარების ზოგადი აშლილობები (F84.0 – F84.9).

ქვეპროგრამის ფარგლებში, ანაზღაურდა სერვისის მიმწოდებელი ორგანიზაციების (სამი ორგანიზაცია) მიერ აუტიზმის სპექტრის დარღვევის მქონე ბავშვებისათვის გაწეული მომსახურება.

დახმარებით ისარგებლა 278 ბენეფიციარმა.

სულ: დახარჯულმა თანხამ შეადგინა 598 773,0 ლარი.

16. „შეზღუდული შესაძლებლობის მქონე ბენეფიციარების და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობა“

ქვეპროგრამის ბიუჯეტი 18,0 ათასი ლარი.

ქვეპროგრამის მიზანია ქალაქ ქუთაისში მოქმედი 0-18 და 18 წლის ზემოთ ასაკის შეზღუდული შესაძლებლობის მქონე ბენეფიციარებზე და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობა. საანგარიშო პერიოდში, განხორციელდა მომსახურების მიმწოდებელი 8 ორგანიზაციისათვის, თანადაფინანსების პრინციპით კომუნალური ხარჯების (ელექტროენერგია, ბუნებრივი აირი და წყალი) ანაზღაურება.

დახმარებით ისარგებლა 8 ორგანიზაციამ.

სულ: დახარჯულმა თანხამ შეადგინა 6 806,05 ლარი.

17. „შეზღუდული შესაძლებლობის მქონე პირების მხარდაჭერაზე ორიენტირებული პროექტების დაფინანსება /თანადაფინანსება“

ქვეპროგრამის ბიუჯეტი 25,0 ათასი ლარი.

ქვეპროგრამაში მონაწილეობა შეუძლიათ როგორც ქალაქ ქუთაისში რეგისტრირებულ პირებს, ასევე ქალაქ ქუთაისის ტერიტორიაზე მოქმედ შშმ პირების საჭიროებებზე მომუშავე არასამთავრობო ორგანიზაციებს.

მიმდინარე პროექტში ჩართულია 16 ბენეფიციარი - შშმ პირი(სწავლება, დასაქმების მიზნით).

სულ: დახარჯულმა თანხამ შეადგინა 4 175,0 ლარი.

18. „მარტოხელა მშობელთა დახმარება“

ქვეპროგრამის ბიუჯეტი 10,0 ათასი ლარი.

ქვეპროგრამის მიზანია, ქალაქ ქუთაისში მცხოვრები (რეგისტრირებული) მარტოხელა მშობლის სტატუსის მქონე პირთა ოჯახების მიერ მოხმარებული კომუნალური გადასახადების – ელექტროენერჯის, წყალის, ბუნებრივი აირის ღირებულების თანადაფინანსება 30 ლარის ოდენობით.

ელექტროენერჯია -12 ლარი; ბუნებრივი აირი -15 ლარი; წყალი -3 ლარი.

დახმარებით ისარგებლა 41 ბენეფიციარმა.

სულ: დახარჯულმა თანხამ შეადგინა 6 477,0 ლარი.

19. „ოჯახში ძალადობის მსხვერპლთა დახმარება“

ქვეპროგრამის ბიუჯეტი 4,0 ათასი ლარი.

ქვეპროგრამის მიზანს წარმოადგენს სსიპ ადამიანით ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდის სტრუქტურული ერთეულების, ოჯახში ძალადობის მსხვერპლთა მომსახურების დაწესებულებაში (თავშესაფარში) მყოფი პირის/ოჯახის თავშესაფრის დატოვების შემდეგ ფინანსურ დახმარება.

დახმარებით ისარგებლა 1 ბენეფიციარმა.

სულ: დახარჯულმა თანხამ შეადგინა 1000 ლარი.

20. „საქართველოს „SOS“ ბავშვთა სოფლის“ მიერ განხორციელებული პროექტის – დღის ცენტრის ბენეფიციარების დახმარება“

ქვეპროგრამის ბიუჯეტი 30,0 ათასი ლარი.

ქალაქ ქუთაისის მუნიციპალიტეტის მერიასა და ასოციაცია საქართველოს „SOS ბავშვთა სოფელს“ შორის გაფორმებული ურთიერთშეთანხმების მემორანდუმის საფუძველზე ხორციელდება საქართველოს „SOS ბავშვთა სოფლის“ მიერ განხორციელებული პროექტების დაფინანსება/თანადაფინანსება:

ა) „დღის ცენტრის ბენეფიციარების დახმარება“, რომლის ფარგლებში ფინანსდება/თანადაფინანსდება ქალაქ ქუთაისში რეგისტრირებული 12-დან 36 თვემდე ბავშვების დღის ცენტრში მომსახურება: კვება, ჰიგიენური საშუალებები; ბ) „ახალგაზრდული სახლი“, რომლის ფარგლებში დაფინანსდება/თანადაფინანსდება სახელმწიფო ზრუნვის სისტემიდან გასული ან/და ქალაქ ქუთაისის მერიის მიერ რეფერირებული ქალაქ ქუთაისში რეგისტრირებული 18-დან 21 წლამდე ასაკის ახალგაზრდების მომსახურება (კვება, ჰიგიენური საშუალებები და სხვა საჭიროებები).

დახმარებით ისარგებლა 19 ბენეფიციარმა.

სულ: დახარჯულმა თანხამ შეადგინა 12 701, 32 ლარი.

21. „შშმ პირთა საერთაშორისო დღე“

ქვეპროგრამის ბიუჯეტი 10,0 ათასი ლარი.

ქვეპროგრამის ფარგლებში განხორციელდება შშმ პირთა მიერ ორგანიზებული ღონისძიებების დაფინანსება.

დაიხარჯა 0 ლარი.

22. „გადაუდებელი რეაგირება“

ქვეპროგრამის ბიუჯეტი 150,0 ათასი ლარი.

ქვეპროგრამის ფარგლებში მომსახურების სერვისი მიეწოდებათ ქალაქ ქუთაისში რეგისტრირებულ და ფაქტიურად მცხოვრებ კრიზისულ მდგომარეობაში მყოფ ოჯახებს, რომელთა წევრები საჭიროებენ გადაუდებელ პირველად დახმარებას.

დახმარებით ისარგებლა 168 ოჯახმა, მათ შორის მატერიალური დახმარება გაეწია 84 ოჯახს.

სულ: დახარჯულმა თანხამ შეადგინა 84 409,0 ლარი.

23. „მხედველობით მკვეთრად შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობა“

ქვეპროგრამის ბიუჯეტი 10,0 ათასი ლარი.

ქვეპროგრამის ფარგლებში ფინანსდება მხედველობით მკვეთრად შეზღუდული შესაძლებლობის მქონე პირებისათვის ტიფლოტექნიკური აპარატების /ხმოვანი წნევის აპარატი; შაქრის საზომი აპარატი/ შეძენა და სამედიცინო და სახელმწიფო/საჯარო

დაწესებულებებში დამოუკიდებელი და უსაფრთხო გადაადგილების უზრუნველყოფის მიზნით, პერსონალური ასისტენტის /გამცილებელი/ და ოპერატორის მომსახურება.

დახმარებით ისარგებლა 55 ბენეფიციარმა.

სულ: დახარჯულმა თანხამ შეადგინა 1 650,0 ლარი.

24. „ადრეული ძუძუს აგრესიული HER-2 რეცეპტორ დადებითი დიაგნოზის მქონე პირების დახმარება“

ქვეპროგრამის ბიუჯეტი 90,0 ათასი ლარი.

ქვეპროგრამით სარგებლობენ ადრეული ძუძუს აგრესიული HER-2 რეცეპტორ დადებითი და მეტასტაზური კიბოს დიაგნოზის მქონე პირები, დახმარების მიღება განხორციელდება არაერთჯერადი მომართვის საფუძველზე საგარანტიო წერილის გამოყენებით, რომლის მოცულობა განისაზღვრება სახელმწიფო რეფერალური კომისიის მიერ გაცემული საგარანტიო წერილის მიხედვით.

დახმარებით ისარგებლა 18 ბენეფიციარმა.

სულ: დახარჯულმა თანხამ შეადგინა 54 800,0 ლარი.

25. „ონლაინ სწავლების პერიოდში სოციალურად დაუცველი ოჯახების განათლების ხელმისაწვდომობა“

ქვეპროგრამის ბიუჯეტი 2,0 ათასი ლარი.

ქვეპროგრამის მიზანია პანდემიისა და ზოგადი შეზღუდვების პირობებში შეუფერხებლად მოხდეს სოციალურად დაუცველი არასრულწლოვანებისათვის განათლების უწყვეტობისა და ხელმისაწვდომობის მიწოდება. ქვეპროგრამით სარგებლობენ ქალაქ ქუთაისში რეგისტრირებული და ფაქტობრივად მცხოვრები სოციალურად დაუცველი ოჯახები, რომელთაგან ოჯახის მინიმუმ ერთი წევრი მაინც არის 6–დან 18 წლამდე, ირიცხება სოციალურად დაუცველი ოჯახების მონაცემთა ერთიან ბაზაში და რომლის სარეიტინგო ქულა არ აღემატება 65000–ს. ქვეპროგრამის ფარგლებში ოჯახს დაუფინანსდა ინტერნეტის ყოველთვიური მომსახურება იანვრიდან ივნისის ჩათვლით, თვეში არაუმეტეს 20 ლარისა.

დახმარებით ისარგებლა 6 ბენეფიციარმა.

სულ: დახარჯულმა თანხამ შეადგინა 500,0 ლარი.

26. „ფილტვის კიბოს სკრინინგი“

ქვეპროგრამის ბიუჯეტი 1,0 ათასი ლარი.

ქვეპროგრამა ითვალისწინებს ფილტვის ქრონიკული ობსტრუქციული დაავადების მქონე, თამბაქოს მომხმარებელი პროფესიული რისკის შემცველ საწარმოებში დასაქმებული და სოციალურად დაუცველი ბენეფიციარების მაღალტექნოლოგიური სამედიცინო კვლევით უზრუნველყოფას.

სულ: დაიხარჯა 0 ლარი.

27. „სოციალურად დაუცველი ბავშვებისათვის განათლების ხარისხის ამაღლება“

ქვეპროგრამის ბიუჯეტი 40,0 ათასი ლარი.

ქვეპროგრამის ფარგლებში ხორციელდება სოციალურად დაუცველი აბიტურიენტების დამატებითი სწავლება, 2022 წლის ერთიანი ეროვნული გამოცდებისათვის.

ქვეპროგრამით მოსარგებლე პირები არიან ქ. ქუთაისში რეგისტრირებული სოციალურად დაუცველი სტატუსის მქონე სკოლადამამთავრებელი მოსწავლეები, რომელთა ოჯახების სარეიტინგო ქულა არ აღემატება 120 000-ს.

აბიტურიენტებისთვის მომსახურების მიწოდებას უზრუნველყოფენ ქ. ქუთაისში რეგისტრირებული და ავტორიზირებული სასწავლო დაწესებულებები. /დაფინანსება შეიცვალა ვაუჩერული წესით, რომლის მიხედვითაც ანაზღაურდება არაუმეტეს 4 საგნის სწავლება, 1 საგანი 60 ლარი /.

დახმარებით ისარგებლა 27 ბენეფიციარმა.

სულ: დახარჯულმა თანხამ შეადგინა 28 240,0 ლარი.

28. „ფსიქიკური აშლილობის მქონე პირთა შინ მოვლა“

ქვეპროგრამის ბიუჯეტი 10,0 ათასი ლარი.

ქვეპროგრამა ითვალისწინებს, ქალაქ ქუთაისის მუნიციპალიტეტის მერიასა და ააიპ „კავშირი წამების მსხვერპლთა ფსიქო-სოციალური და სამედიცინო რეაბილიტაციის ცენტრი-ქუთაისის“ შორის გაფორმებული მემორანდუმის საფუძველზე, ქალაქ ქუთაისში რეგისტრირებული და მცხოვრები 50 პირისათვის ფსიქიატრიული სერვისების 10 %-იან თანადაფინანსებას.

სულ: დაიხარჯა 0 ლარი.

29. „სოციალურად დაუცველი ოჯახების მხარდაჭერა“

ქვეპროგრამის ბიუჯეტი 25,0 ლარი

ქვეპროგრამა ითვალისწინებს ქალაქ ქუთაისში არანაკლებ ბოლო ერთი წლის მანძილზე რეგისტრირებული და ფაქტობრივად მცხოვრები სოციალურად დაუცველი პირების მიერ ახალშექმნილი ოჯახებისა და ახალშექმნილი შვილიანი ოჯახების ფინანსურ მხარდაჭერას. ქალაქ ქუთაისში რეგისტრირებული და მცხოვრები ახალშექმნილი შვილიანი ოჯახი, რომელიც ირიცხება სოციალურად დაუცველი ოჯახების მონაცემთა ერთიან ბაზაში და სარეიტინგო ქულა არ აღემატება 120000-ს. 2022 წელს შექმნილ თითოეულ შვილზე ოჯახს გაეწევა მატერიალური დახმარება 500 ლარით.

დახმარებით ისარგებლა 1 ბენეფიციარმა.
დაიხარჯა 500 ლარი.

30. „მრავალშვილიანი ოჯახების მიკრო და მცირე მეწარმეობის ხელშეწყობა“

ქვეპროგრამის ბიუჯეტი 60 000 ლარი

ქვეპროგრამა გულისხმობს ქალაქ ქუთაისში რეგისტრირებული და ფაქტობრივად მცხოვრები მრავალშვილიანი ოჯახების გაძლიერებას, რომლებსაც აქვთ სურვილი, ან უკვე ეწევიან მიკრო, ან მცირე მეწარმეობას. პროექტების დაფინანსება მოხდება ქალაქ ქუთაისის მუნიციპალიტეტის მიერ დამტკიცებული მეთოდოლოგიის საფუძველზე. თანხა ბენეფიციარებზე გადანაწილდება პროექტის ღირებულებისა და თანაფარდობის პრინციპით.

დაიხარჯა 0 ლარი.

31. „ახალი კორონავირუსით (Covid 19) ინფიცირებული პირთა დახმარება“

ქვეპროგრამის ბიუჯეტი 1,0 ათასი ლარი.

ახალი კორონავირუსით (Covid 19) ინფიცირებული პირების სამედიცინო დახმარება. პროგრამით მოსარგებლე პირები არიან ქ.ქუთაისში რეგისტრირებული, სოციალურად დაუცველი ოჯახების მონაცემთა ერთიან ბაზაში რეგისტრირებული 70000 სარეიტინგო ქულის მქონე, კორონავირუსგადატანილი ბენეფიციარები. პროგრამა ითვალისწინებს ახალი კორონავირუსის გადატანის შემდგომ მე-14 დღიდან

ლაბორატორიული კვლევების (კოაგულოგრამა, D-დიმერი, C-რექტიული ცილა) დაფინანსებას 80 ლარის ფარგლებში. დახმარება გაიცემა ერთჯერადად, სამედიცინო მომსახურების მიღებამდე.

დაიხარჯა 0 ლარი.

32. „ბავშვიანი ოჯახების ეკონომიკური გაძლიერება“

ქვეპროგრამის ბიუჯეტი 70 000,0 ათასი ლარი.

ბავშვიანი ოჯახების ეკონომიკური მხარდაჭერის ქვეპროგრამის მიზანია, „ბავშვის უფლებათა კოდექსის“ მოთხოვნათა და ბავშვთა უფლებების მიმართულებით არსებული გამოწვევების საპასუხოდ, პროგრამის მონაწილე ბავშვიანი ოჯახების ეკონომიკური უსაფრთხოების ხელშეწყობა, რათა ამ გზით შემცირდეს ოჯახების ეკონომიკური მდგომარეობის უარყოფითი გავლენა ბავშვის განვითარების სხვადასხვა ასპექტებზე.

ქვეპროგრამით მოსარგებლები არიან ქალაქ ქუთაისში რეგისტრირებული და მცხოვრები ბავშვიანი ოჯახები, თუ ქვემოთ ჩამოთვლილი სამიზნე ჯგუფიდან, სულ მცირე, ორს მაინც აკმაყოფილებს:

- სოციალურად დაუცველი ბავშვიანი ოჯახების მონაცემთა ერთიან ბაზაში დაფიქსირებული 120 00i-მდე სარეიტინგო ქულის მქონე პირები;
- გაღარიბების მაღალი რისკის წინაშე კრიზისულ მდგომარეობაში მყოფი ბავშვიანი ოჯახები /სოციალური მუშაკის დასკვნის საფუძველზე/;
- ერთ-ერთი მშობელი, რომელიც დამოუკიდებლად ასრულებს მშობლის ფუნქციებს;
- ოჯახები, რომლებსაც ჰყავთ სუსტი თანადგომის ქსელი /სოციალური მუშაკის დასკვნის საფუძველზე/;
- ბავშვიანი ოჯახები, სადაც ერთი მშობელი კანონთან კონფლიქტშია;

ქვეპროგრამაში მონაწილეობას ვერ მიიღებს „მრავალშვიანი ოჯახების მიკრო და მცირე ბიზნესის ხელშეწყობი პროექტების მოსარგებლე.

ქვეპროგრამის განხორციელება მიმართულია ბავშვიანი ოჯახებისათვის გრძელვადიან მხარდაჭერაზე, რომელიც მოიცავს სამ კომპონენტს. კერძოდ, ქვეპროგრამის მონაწილე ოჯახებთან ბიო-ფსიქო-სოციალური მიდგომებით მოხდება სოციალური მუშაკების ჩართულობა, ოჯახის ეკონომიკური და პოზიტიური მშობლობის კუთხით გაძლიერება.

დაიხარჯა 0 ლარი.

33. „ბავშვის განვითარების ხელშეწყობა“

ქვეპროგრამის ბიუჯეტი 30 000,0 ათასი ლარი.

ქვეპროგრამით მოსარგებლე ბენეფიციარებს მიეკუთვნებიან, ქალაქ ქუთაისში რეგისტრირებული და მცხოვრები ბავშვები.

სამიზნე ჯგუფის პირთა იდენტიფიცირება განხორციელდება ბავშვის უფლებების დაცვისა და მხარდაჭერის განყოფილების სოციალური მუშაკების მიერ.

ქვეპროგრამის ფარგლებში ოჯახის მხარდაჭერა განხორციელდება ბავშვის ასაკის თავისებურებების გათვალისწინებით - ადრეული ასაკის ბავშვებისათვის /0-დან 6 წელი/ და შუა ასაკის ბავშვებისათვის /7-დან 14 წელი/ - ბავშვის განვითარების ხელშემწყობი საშუალებებით. ოჯახზე გაიცემა 150 ლარის ღირებულებების ერთი ვაუჩერი.

დაიხარჯა 0 ლარი.

ბავშვის უფლებების დაცვისა და მხარდაჭერის განყოფილება

2022 წლის იანვრიდან 1 აგვისტომდე შეფასებულია 100 ბავშვიანი ოჯახი - 294 ბავშვი. ვერ შეფასდა 1 ოჯახი (ბენეფიციარი აღნიშნულ მისამართზე არ ცხოვრობს).

„გადაუდებელი რეაგირების პროგრამის“ ფარგლებში შეფასდა 23 ბავშვიანი ოჯახი - სკრინინგი ჩაუტარდა 61 ბავშვს; მეორე დონით შეფასდა 3 ოჯახი - 9 ბავშვი;

სსიპ სახელმწიფო ზრუნვისა და ტრეფიკინგის მსხვერპლთა დაზარალებულთა დახმარების სააგენტოდან შემოსული შეტყობინებით შეფასდა 15 ბავშვიანი ოჯახი, სკრინინგი ჩაუტარდა 26 ბავშვს; მეორე დონით შეფასდა 4 ბავშვიანი ოჯახი - 13 ბავშვი;

სხვა მუნიციპალიტეტიდან (ტყიბული) შემოსული წერილის საფუძველზე შეფასდა 3 ბავშვიანი ოჯახი- სკრინინგი ჩაუტარდა 10 ბავშვს;

თვითმომართვა 9 ოჯახი - შეფასდა 16 ბავშვი;

ცხელი ხაზის შეტყობინებით (111) - შეფასდა 1 ოჯახი - 1 ბავშვი.

მოწყვლადი ჯგუფები: მრავალშვილიანი ოჯახები-შეფასდა 50 ბავშვიანი ოჯახი - 180 ბავშვი; მეორე დონეზე 1 ოჯახი - 1 ბავშვი.

კომისიის წევრებმა ერთხმად მოიწონეს ქალაქ ქუთაისის მუნიციპალიტეტის მერიის პირველადი სტრუქტურული ერთეულის - სოციალურ საკითხთა სამსახურის ანგარიში 2022 წლის შვიდ თვეში გაწეული მუშაობის შესახებ.

ამით, ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიამ სხდომა დაასრულა.

ჯანდაცვისა და სოციალურ საკითხთა

კომისიის თავმჯდომარე

მამუკა რიჟამაძე

